

Član 7.
(Prostor za čuvanje)

Oružje i municija moraju se čuvati u stambenom ili drugom odgovarajućem prostoru koji se nalazi u mjestu prebivališta vlasnika oružja.

DIO TREĆI - PRIJELAZNE I ZAVRŠNE ODREDBE

Član 8.
(Ravnopravnost spolova)

Gramatička terminologija u ovom pravilniku podrazumijeva uključivanje oba spola.

Član 9.
(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik o smještaju i čuvanju oružja, vođenju evidencije o nabavljenom oružju i municiji, vođenju evidencije o prometu oružja i municije i obrascima i sadržaju obrazaca za vođenje tih evidencija ("Službene novine Kantona Sarajevo", broj 1/08) u dijelu koji se odnosi na smještaj i čuvanje oružja i municije.

Član 10.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-4033/18
06. jula 2018. godine
Sarajevo

Ministar
Vedran Mulabdić, s. r.

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 80. stav (1) tačka e), a u vezi s članom 30. stav (8) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

**O PROGRAMU, NAČINU RADA I UNIŠTENJA,
SASTAVU KOMISIJE, TROŠKOVIMA I DRUGIM
PITANJIMA KOJA SE ODNOSE NA UNIŠTENJE
ODUZETOG ORUŽJA**

DIO PRVI - OPĆE ODREDBE

Član 1.
(Predmet)

Ovim pravilnikom propisuje se program, način rada i uništenja oduzetog oružja i municije, siguran i transparentan način uništenja oružja i municije, obrazovanje i sastav Komisije za uništenje oružja i municije (u daljnjem tekstu: Komisija), vođenje Evidencije o uništenju oružja i municije, sačinjavanje zapisnika o provedenom postupku uništenja oružja i municije, troškovi uništenja oružja i municije, kao i druga pitanja koja se odnose na uništenje oružja i municije.

Član 2.
(Oružje i municija za uništenje)

Oružje i municija za uništenje u smislu odredbi Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18, u daljnjem tekstu: Zakon) može biti:

- pronađeno oružje i municija iz člana 45. Zakona,
- dobrovoljno predato oružje iz člana 47. Zakona,
- dotrajalo oružje iz člana 48. Zakona,
- oružje koje ostane u slučaju smrti vlasnika, a ispunjeni su uvjeti za njegovo uništenje u skladu s odredbama čl. 49. i 50. Zakona,
- oružje i municija oduzeti u prekršajnom ili krivičnom postupku u skladu s odredbama člana 55. Zakona,

- oružje i municija oduzeti u upravnom postupku u skladu s odredbama člana 56. Zakona i
- oružje koje je bilo predmet amnestije iz člana 85. Zakona, a nakon provedenog postupka iz člana 12. Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije oružja, donesena odluka o njegovom uništenju.

DIO DRUGI - UNIŠTENJE ORUŽJA I MUNICIJE

Član 3.
(Program uništenja oružja i municije)

Program uništenja oružja i municije sadrži planske mjere i radnje na provođenju sljedećih aktivnosti:

- utvrditi vrstu i količinu oružja i municije za uništenje,
- pribaviti sva potrebna odobrenja i prateću dokumentaciju za uništenje od nadležnih ili nadređenih institucija,
- odabrati metodu uništenja oružja i municije,
- odabrati prikladnu lokaciju uništenja oružja i municije,
- obezbjediti neophodna finansijska sredstva za izvršenje odabrane metode uništenja oružja i municije, kao i druge troškove u procesu uništenja oružja i municije iz člana 15. ovog pravilnika,
- u zavisnosti od odabrane metode uništenja oružja i municije, pripremiti plan zbrinjavanja, odnosno finalnog rješavanja nastalog metalnog otpada (furde) kao rezultata procesa uništenja (u slučajevima kada se oružje uništava metodom sječenja ili trajne deformacije),
- pripremiti plan sigurnosti koji sadrži neophodne mjere i radnje u zavisnosti od odabrane lokacije (okruženja) i metode uništenja oružja i municije,
- pripremiti Standardne Operativne Procedure (SOP) na osnovu ovog pravilnika u zavisnosti od odabrane metode uništenja i internih procedura Ministarstva unutrašnjih poslova Kantona Sarajevo (u daljnjem tekstu: Ministarstvo) i
- razviti medijski i komunikacijski plan za događaj uništenja oružja i municije kao dio programa podizanja svijesti javnosti od opasnosti posjedovanja nelegalnog oružja i municije.

Član 4.

(Mjere i radnje u procesu uništenja oružja i municije)
Proces uništenja oružja treba da sadrži minimalno sljedeće mjere i radnje:

- pripreme aktivnosti za uništenje oružja i municije,
- transport oružja i municije na lokaciju uništenja,
- fizičko uništenje oružja i municije,
- nadzor i verifikacija uništenog oružja i municije,
- evidentiranje procesa uništenja oružja i municije i
- obezbjediti siguran i okolišno prihvatljiv metod uništavanja, uključujući metode koje imaju za posljedicu stvaranje metalnog otpada koji se može reciklirati i ponovo upotrijebiti.

Član 5.

(Pripreme mjere i radnje za uništenje oružja i municije)

- Pripreme mjere i radnje za uništenje oružja i municije provode se prije konačnog uništenja.
- Pripreme mjere i radnje uključuju ili mogu uključivati:
 - brojanje oružja i municije koje se vrši na lokaciji skladištenja i čuvanja oružja i municije za uništenje (a ne na lokaciji uništenja),
 - provjeru ostataka municije u oružju,
 - uklanjanje dodataka oružju (npr. nišani, prigušivači i bajoneti), a koji se trebaju uništiti odvojeno od oružja,
 - uklanjanje obloga s oružja (npr. plastične ili drvene ručke, kundaci i šanžeri) jer oružje koje se uništava metodom topljenja može zahtijevati uklanjanje plastičnih ili drvenih komponenti kako bi dobivena sirovina zadržala čistoću visoke kvalitete i vrijednosti,

- e) uklanjanje opruge oružja ukoliko je odabrana metoda uništenja sječenjem,
- f) deformaciju oružja u procesu uništenja oružja koje kao mjera i radnja prethodi transportu oružja na lokaciju za konačno uništenje (uništenje metodom topljenja),
- g) rastavljanje funkcionalnih dijelova oružja na sastavne dijelove (ukoliko je odabran ovaj način pripreme oružja za uništenje u drvene sanduke ili drugu čvrstu prikladnu ambalažu koju je moguće zapečatiti, potrebno je spakovati sve dijelove rastavljenog oružja, isti zapečatiti, a listu rastavljenog oružja zakačiti, odnosno zalijepiti za sanduk) i
- h) označavanje svakog pojedinačnog komada oružja (ukoliko je odabran ovaj način pripreme oružja za uništenje, svaki pojedinačni komad oružja je potrebno označiti naljepnicom i rednim brojem sa spiska oružja koji je sačinila Komisija, te označeno oružje spakovati u drvene sanduke ili drugu čvrstu prikladnu ambalažu koju je moguće zapečatiti i isti zapečatiti).

Član 6.

(Transport oružja i municije za uništenje)

- (1) Prilikom transporta oružja i municije za uništenje i pripadajuće opreme moraju biti ispoštovani sljedeći opći principi:
 - a) prije svake operacije transporta, potrebno je izvršiti procjenu rizika operacije kako bi se utvrdio potrebni nivo osiguranja transporta koja podrazumijeva:
 - 1) količinu oružja i municije za transport,
 - 2) vrsta oružja i municije za transport,
 - 3) vrijeme koje je potrebno da se oružje i municija transportuje do mjesta za uništenje,
 - 4) broj puta koliko je potrebno oružje i municiju utovariti, istovariti i ponovo utovariti do mjesta za uništenje i
 - 5) potencijalne sigurnosne incidente tokom transporta kroz planiranu transportnu rutu, baziranu na iskustvu i analizi situacije koja je odabrana između nekoliko opcija.
 - b) oružje se prevozi odvojeno od pripadajuće municije, ukoliko se istim transportom prevozi i municija na uništenje.
 - c) sanduci i kutije u koje je oružje i municija upakovano za transport treba biti zapečaćeno prije utovaranja u prevozno sredstvo.
 - d) pošiljke se trebaju provjeriti i pregledati po dolasku na lokaciju uništenja, te u skladu s mogućnosti, tokom transporta, izvršiti pregled da katanci, odnosno pečati na sanducima nisu oštećeni. Ukoliko postoje indicije da je došlo do krađe, sabotaze ili oštećenja na katancima ili pečatima, potrebno je izvršiti trenutnu provjeru pošiljke kako bi se utvrdilo da li je došlo do krađe i nestanka oružja i municije u skladu sa odredbama člana 13. ovog pravilnika.
- (2) Transport oružja i municije cestovnim saobraćajem može se vršiti u označenim ili neoznačenim službenim vozilima (uključujući oklopna vozila) ili korištenjem usluge civilnog autoprevoznika.
- (3) Civilni autoprevoznik treba biti opremljen sa zaštitnim sistemima (npr. alarmnim sistemima na vozilima i/ili elektronskim uređajima za praćenje vozila), te treba biti pod nadzorom Uprave policije Ministarstva, shodno ukazanim potrebama iz izvršene procjene rizika.
- (4) Transportne trase trebaju se isplanirati ranije i unaprijed, a sa informacijom u vezi sa trasom transporta treba se postupati kao sa tajnim podatkom. Trase koje se najčešće koriste za prevoz oružja i municije između dvije lokacije trebaju se mijenjati ukoliko takvu praksu tehnički uvjeti dozvoljavaju.
- (5) Kako bi se osigurala dodatna sigurnost tokom transporta cestovnim saobraćajem, oružje se može djelomično rastaviti i ključne komponente mogu se transportovati u drugom vozilu.

Član 7.

(Evidencija o uništenju oružja i municije)

- (1) Evidencija o uništenju oružja i municije sadrži: redni broj; datum i vrijeme uništenja; mjesto uništenja; broj i datum zapisnika o uništenju oružja i municije; prisutne institucije i primjedba.
- (2) Evidencija iz stava (1) ovog člana vodi se u formatu A4, položeno, jednostranično, na obrascu broj 1 koji je sastavni dio ovog pravilnika.

Član 8.

(Način uništenja oružja)

- (1) Uništenje oružja vrši se na način da se oružje učini trajno neupotrebljivim. Ovo se odnosi i uključuje sljedeće komponente oružja:
 - a) okvir oružja,
 - b) cijev oružja i
 - c) zatvarač, navlaka zatvarača, ležište metka, bubanj kod revolvera, izbacivač čahura, nosač udarne igle i udarna igla kod revolvera.
- (2) Ukoliko se oružje uništava metodom rezanja, jednim rezom ispravno odmjenim je moguće trajno onesposobiti sve komponente iz stava (1) ovog člana.

Član 9.

(Metode uništenja oružja)

- (1) Uništenje oružja je moguće izvršiti sljedećim metodama:
 - a) metodom rezanja (pomoću pile, cirkulara, hidro-abrazivnom tehnologijom, hidrauličnim makazama, plamenikom),
 - b) metodom trajne deformacije (mehaničkim udarcem prese po cijeloj površini oružja ili serijom mehaničkih ciljanih udaraca na funkcionalne dijelove oružja),
 - c) metodom gaženja (upotrebom teških građevinskih mašina ili vojnih vozila sa čeličnim gusjenicama),
 - d) metodom industrijskog drobljenja (upotrebom namjenskih drobilica koja drobe oružje na neprepoznatljive komade metala) i
 - e) metodom topljenja (topljenje oružja u visokim industrijskim pećima do tečnog agregatnog stanja).
- (2) Metodama iz tač. a), b), c) i d) ovog člana vrši se uništenje oružja poslije koje ostaje metalni otpad za konačno zbrinjavanje. Trajna eliminacija oružja se dobiva jedino primjenom metode topljenja iz tačke e) ovog člana.

Član 10.

(Pripreme radnje na odabranoj lokaciji uništenja oružja i municije)

- (1) Po odabiru metode za uništenje oružja, potrebno je izvršiti pripreme radnje na odabranoj lokaciji uništenja, prema sljedećem redoslijedu:
 - a) označiti zonu operacija kako bi se ograničilo kretanje prisutnih osoba zbog smanjenja rizika od krađe ili sabotaze, te opće sigurnosti,
 - b) označiti zonu za medije u vezi mjera i radnji na promociji važnosti uništenja oružja i municije,
 - c) unutar zone operacija, označiti zonu istovara pošiljke sa oružjem i municijom za uništenje,
 - d) utvrditi tok kretanja oružja i municije od tačke istovara do tačke uništenja i definisati kritične tačke,
 - e) obezbijediti dodatni nadzor na utvrđenim kritičnim tačkama,
 - f) obezbijediti prisustvo članova Komisije tokom trajanja uništenja u funkciji verifikatora radnje uništenja oružja i municije i
 - g) informisati sve sudionike događaja uništenja oružja i municije o odgovornosti, pravilima na lokaciji tokom uništenja i ostalim mjerama sigurnosti na lokaciji.
- (2) Predsjednik Komisije je odgovoran za preduzimanje mjera i radnji iz stava (1) ovog člana, pri čemu mu aktivno asistiraju članovi Komisije.

Član 11.

(Redoslijed mjera i radnji na lokaciji uništenja oružja i municije)

- (1) Po dolasku transporta sa oružjem i municijom za uništenje na lokaciju uništenja oružja i municije, redoslijed radnji je sljedeći:
 - a) istovariti sanduke sa oružjem i municijom iz transportnih vozila,
 - b) isprazniti sanduke sa oružjem i municijom,
 - c) ispratiti tok kretanja oružja i municije od tačke istovara do tačke uništenja oružja i municije,
 - d) pristupiti uništenju oružja i municije odabranom metodom i
 - e) verifikovati cjelokupni proces uništenja oružja i municije na spisak uništenog oružja i municije svojeručnim potpisima na za to utvrđenim mjestima.
- (2) Za sveukupno praćenje izvršenja radnji iz ovog člana odgovorna je nadležna organizaciona jedinica Uprave policije.

Član 12.

(Postupanje u slučaju nestanka oružja i municije za uništenje)

- (1) U slučaju saznanja da je došlo do nestanka oružja i municije Komisija odmah podnosi poseban izvještaj policijskom komesaru koji izvještaj dostavlja nadležnoj organizacionoj jedinici Uprave policije ili drugoj policijskoj agenciji koja ima nadležnosti postupati u skladu s odredbama važećeg zakonodavstva.
- (2) Izvještaj iz stava (1) ovog člana treba da sadrži sljedeće podatke:
 - a) podaci o oružju i municiji i to:
 - 1) vrsta oružja (duga ili kratka cijev) i municije,
 - 2) model oružja i municije,
 - 3) kalibar oružja i municije i
 - 4) serijski broj oružja.
 - b) datum, vrijeme i mjesto nestanka oružja i municije,
 - c) kratak opis okolnosti koje su dovele do nestanka oružja i municije (npr. nemar, krađa i sl.),
 - d) preporuke kako prevenirati ponovne incidente,
 - e) datum, vrijeme i mjesto eventualnog pronalaska nestalog oružja i municije i
 - f) kratak opis okolnosti koje su dovele do pronalaska oružja i municije.
- (3) Podaci o izgubljenom ili ukradenom oružju i municiji iz stava (1) ovog člana unose se u postojeće evidencije nadležnog policijskog organa.

Član 13.

(Postupak sa sirovinama nastalim procesom uništenja oružja i municije)

Sirovine nastale nakon procesa uništenja oružja i municije mogu se ponovo iskorištavati na sljedeće načine:

- a) generisati određenu dobit ili proizvesti novu praktičnu, simboličnu ili umjetničku vrijednost i
- b) djelomično pokriti ili umanjiti troškove uništenja:
 - 1) uračunavanjem dobijene sirovine metala (npr. primjenom metode iz člana 10. stav (1) tačka e) ovog pravilnika),
 - 2) prodajom novonastalog metalnog otpada firmama za promet sekundarnih sirovina (npr. primjenom metoda iz člana 10. stav (1) tač. a), b), c) i d) ovog pravilnika).

Član 14.

(Uništenje municije)

Municija se uništava postupkom spaljivanja, detoniranja, u za to određenim postrojenjima, koja udovoljavaju sigurnosno-tehničkim uvjetima, odnosno uništava se sagorijevanjem ili drugim postupcima industrijske prerade koji ih dovode u stanje trajne i potpune bezopasnosti i neškodljivosti za život i zdravlje ljudi i imovine.

Član 15.

(Komisija)

- (1) Komisiju obrazuje Ministar unutrašnjih poslova Kantona Sarajevo na prijedlog policijskog komesara.
- (2) Komisiju sačinjavaju predsjednik i dva člana koji raspolažu znanjima i iskustvom u vezi oružja i municije ili postupka uništenja oružja i municije.
- (3) Predsjednik Komisije je odgovoran za čuvanje i korištenje pečata.
- (4) Komisija o uništenju oduzetog oružja i municije sačinjava Zapisnik o uništenju oduzetog oružja i municije koji se ulaže u odnosni spis Uprave policije, kao i foto i/ili video dokumentaciju i druge akte propisane odredbama ovog pravilnika.
- (5) Komisija Zapisnik o uništenju oružja i municije dostavlja nadležnoj policijskoj upravi, nadležnom sudu i nadležnom tužilaštvu i obavještava druge zainteresovane subjekte.
- (6) Zapisnik o uništenom oružju i municiji sadržava sljedeće podatke:
 - a) vrsta oružja (kategoriju dugih cijevi, kategoriju kratkih cijevi i/ili kategoriju ostalog oružja, prateće i pripadajuće opreme) i municije,
 - b) model oružja i municije,
 - c) kalibar oružja i municije,
 - d) serijski broj oružja,
 - e) datum uništenja,
 - f) potpise članova Komisije i predstavnika agencije ili organizacije koja uništava oružje i municiju (npr. UNDP, Ministarstvo i dr.) i
 - g) broj rješenja ili odluke na osnovu kojeg se oružje i municija uništavaju.

Član 16.

(Troškovi uništenja oružja i municije)

- (1) U troškove uništenja oružja i municije spadaju:
 - a) troškovi za materijalno-tehnička sredstava za pripremu oružja i municije za uništenje,
 - b) troškovi transporta oružja i municije i
 - c) troškovi odabrane metode uništenja oružja i municije.
- (2) Troškove iz stava (1) ovog člana snosi Ministarstvo, ukoliko sredstva nisu obezbjeđena na druge načine (UNDP i dr.).

DIO TREĆI - PRELAZNE I ZAVRŠNE ODREDBE

Član 17.

(Ravnopravnost spolova)

Gramatička terminologija u ovom pravilniku podrazumijeva uključivanje oba spola.

Član 18.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-4034/18

06. jula 2018. godine

Sarajevo

Ministar

Vedran Mulabdić, s. r.

Obrazac broj 1

EVIDENCIJA O UNIŠTENJU ORUŽJA I MUNICIJE

Redni broj	Datum i vrijeme uništenja	Mjesto uništenja	Broj i datum zapisnika o uništenju oružja i municije	Prisutne institucije	Primjedba